

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН

ИНДӨД

**Вузасян объектъяслөн (мутасьяслөн) лыддьөгö, кутшöмьяс меститчöны
Коми Республика мутасын да кутшöмьясöс колö категорируйтны найöс
терроризмысь дорйöм могысь, вузасян объектъяс (мутасьяс) пыртан
(киритан) муртöсьяс вынсьöдöм йылысь**

«Вузасян объектъяс (мутасьяс) терроризмысь дорйöм дорö корöмьяс да вузасян объектлөн (мутаслөн) безопасносът паспорт форма вынсьöдöм йылысь» Россия Федерацияса Вескöдлан котырлөн 2017 во йирым тöлысь 19 лунся 1273 №-а шуöм серти шуа:

1. Вынсьöдны вузасян объектъяслөн (мутасьяслөн) лыддьөгö, кутшöмьяс меститчöны Коми Республика мутасын да кутшöмьясöс колö категорируйтны найöс терроризмысь дорйöм могысь, вузасян объектъяс (мутасьяс) пыртан (киритан) муртöсьяс содтöд серти.

2. Тайö Индöдыс вынсялö сйöс официальнöя йöзöдöм бöрын дас лун кольöм мысти.

Коми Республикаса Юралысь

В. Уйба

Сыктывкар

2021 вося моз тöлысь 9 лун

100 №

ВЫНСЬӨДӨМА

Коми Республикаса Юралысьлөн

2021 во моз төлысь 9 лунся 100 №-а Индөдөн

(содтөд)

Вузасян объектъяслөн (мутасъяслөн) лыддьөгö,
кутшөмъяс меститчöны Коми Республика мутасын да кутшөмъясöс
колö категорируйтны найöс терроризмысь дорйöм могысь,
вузасян объектъяс (мутасъяс) пыртан (киритан)

МУРТÖСЪЯС

1. Вузасян объектъяслөн (мутасъяслөн) лыддьөгö, кутшөмъяс меститчöны Коми Республика мутасын да кутшөмъясöс колö категорируйтны найöс терроризмысь дорйöм могысь, вузасян объектъяс (мутасъяс) пыртан муртöсьяс (водзö – Лыддьөг).

Вузасян объектсö (мутассö) колö пыртны Лыддьөгö Коми Республикаса муниципальной юкөнлөн терроризмлы паныд удж нуöдан комиссиялөн ходатайство подув вылын сэк, кор лöсялö татшöм муртöсьясысь кöть öтилы:

1.1. Вузасян объекттын (мутасын) öтпырйö вермас лоны 50 морт (доймалöм йöзлөн лоны вермана лыд) да унджык сэк, кор йöзлөн лыдыс артавсьö вузасян объекттын (мутасын) öтпырйö овлысь да (либö) ветлөдлысь йöзлысь 3 лун чöж мониторинг нуöдöм пыр, уджалан да шойччан (гажөдчан) луньяс пыртöмөн.

1.2. Вузасян объектлөн (мутаслөн) балансöвöй дон, торья оборудование пыртöмөн, кутшөм колö да кутшөмөн вöдитчöны медем, пуктавны, петкөдлыны төварьяс, могмөдны ньöбасьысьясöс да төварьяс вузалігөн артавны ньöбасьысьяскөд сьом, артмөдö 5 млн шайт да унджык.

2. Вузасян объектъяслөн (мутасъяслөн) лыддьөгысь, кутшөмъяс меститчöны Коми Республика мутасын да кутшөмъясöс колö

категорируйтны найос терроризмысь дорйом могысь, вузасян объектъяс (мутасьяс) киритан муртосьяс.

Вузасян объектсö (мутассö) колö киритны Лыддьöгысь сэк, кор лöсялö татшöм муртосьясысь кöть öтилы:

2.1. Вузасян объектыс (мутасыс) оз лöсяв вузасян объектъяслөн (мутасьяслөн) ни öти категориялы, кутшöмьясöс индöма вузасян объектъяс (мутасьяс) терроризмысь дорйом дорö корöмьяслөн 12 пунктын, кутшöмьясöс вынсьöдöма Россия Федерацияса Вescкöдлан котырлөн 2017 во йирым тöлысь 19 лунся 1273 №-а шуöмөн.

2.2. Дугöдöма вузасян объектлысь (мутаслысь) уджалöмсö (уджöдöмсö).